


LYR
HEIL
FT
ER
AR
CK
D

1556

AB
154037





Hi 6618
1.

Flaccii / Matth. Ellii / von der
I. Synode, an der Casp.
Schwenckfeld, 1554.

Hi 6618
2

von dem für
unsern päpsten in Schwent,
feldischer Synodierung,
1554.

oo
4

fünfzig große Justizen
verfaßte feldischer / Diet
Schwenckfeldob: / Synodierung,
Jena, 1554

an 79 4700
3.

Agricola / Theoph. / antwort
auf Flaccii Brief in an der
Schwenckfeld, Jena, 1556.



2.

Von dem fürnehm̃sten
stücke / punct / oder artickel der
Schwenckfeldischen
schwerme /
rey.

Durch Matthiam Flacium
Illyricum.

i. Corinth. i.

Dann dieweyl die welt durch ire weyßheyt Gott
in seiner weyßheyt nicht erkandte / gefiel es Gott wol / durch
THORECHTE PREDIGTE seelig zumachen / die / so da
ran glauben. Das muß ye fürwar ein seltzamer Gott sein / der
durch solche nârrische vnd vntüchtige mittel der predige / die welt
will seelig machen. Ey er würt dardurch nichts können außrichten.
Man muß kurzumb den Schwenckfeld hinauff zu ihm in den
Himmel schicken / das er Gott meystere vnd lehre ihn
einen besseren weg oder weyse / sonst
würt gantz vnd gar nichts
darauf wer-
den.

M. D. LIIII.

Wiewol ich vor etlichen Mona-
ten ein zimliche lange Schrifft wider die
schädliche Ketzerey vnnnd mancherley ir-
thumb des Schwentckfelds/ von der heyli-
gen Schrifft/ ierer Krafft/ vnd würckung habe lassen auß-
gehen/ Darauff/ ob er iergent etwz geantworte habe/ od
noch antworten will oder nit/ kan ich nie wissen/ Jedoch
habe ichs auch für güt angesehen/ den eynfeltigen zu vn-
derrichtung/ den schwachen zu trost / vnd den verführeren
zur ableitung solcher schwermerey / jeziger zeyt noch ein
kurz schriffelin darvon außgehen zulassen. Dan es ist ja
zumal ein vber auß schädlicher irthumb/ der nemlich die
H. Schrifft gang vnnnd gar verwürffet/ vnder die banck-
stecket/ vnd als vntüchtig/ vntreffrig vñ vnnütze haltet/
vnnnd dargegen den menschen tröumen/ Teüfels gespen-
sten/ heymlichen inerlichen einblasungen / vñ eingebun-
gen/ ja allen schwermereyen thür vnd fenster weyt auff-
sperrt/ vnd auffthür. Darzu so sibe ich auch wol/ das ley-
der die Hochgelehrten Theologen/ qui sunt colomne Eccle-
sie nichts wider dise schleichende vnd wütende schwermerey
schreyben / wie sie dann auch wider Dsiandrum vast
nichts werdes geschryben haben / die es zehen mal besser
vñ leichter thun köndten dan ich. Aber der Gott Bauch/
vnd sein Nebengott Ammon haltet sie zu rucke/ vnnnd
hat sie so eingenomen/ dz sie nit ein eyniges wörtlin dörf-
fen darwider reden/ vil weniger schreyben.

Zu dem ist auch solcher irthumb/ dz nemlich Gott on
alle mittel d. H. Schrifft inwendig in den menschē durch
ein Geystliche offenbarung den rechten warhafftigen
Glauben vnnnd die Gottseligkeyt würcke / sehr lieblich/
scheint

scheinlich / vnd ansehenlich für der Klügen vernunfft / die
on vnderlaß nach grosser Klügheyt / weyßheyt / vnd geyst
lichkeyt trachtet / gasset / vñ allzeyt obē hinauß will / Die
schlechte / geringe vñ vnanschenliche mittel aber / so Chri
stus hat geordnet vñ eingesetzt / als da seind / das mündt
liche wort / die Tauffe / das Abendmal / vnd arme Predi
ger verachtet sie ganz vnd gar / vnd halt es für lauter ge
spött vnd narrenwercke.

Wie soll man ihm dann nün thun? Es müssen gleich
wol die Gottsförchtigen festiglich glauben / vnd das
sehr hoch / lieb vnd werdt achten vñnd halten / das Pau
lus also spricht / 1. Corinth. 1. Dieweyl die welt durch ire
weyßheyt Gott in seiner weyßheyt nit erkante / gefiel es
Gott wol durch thorechte predige seeligzumachen / die
so daran glaubē. Vñ widerwertige meynung / wie schön /
lieblich / gleissende / vñ köstlich sie sm̄er mögen sein / bestän
klich verwerffen / vernichtigen vnd verachten.

Aber zur bestättigung einer solchen warhafftigen /
Christlichen vnd heylsamen meynung / vnd widlegung d
Schwenckfeldischen irrthumb / will ich jetzt einen spruch
Pauli daran fast der ganz handel gelegen vnd steht / er
klären vñnd kürzlich auslegen. Dann der fürnembste
streyt ist jetzt fast mit dem Schwenckfeld von dem folgen
den spruch Pauli / Rom. 10. Ob Paulus alda handele od
sage / das der Glaub auß dem außwendigen GEHOR
des gepredigten Worts komme / oder aber auß der inwen
digen offenbarung.

Dann wer den nammen des Herren würt ANRVF
FEN, soll seelig werdē / Wie sollē sie aber ANRVFFEN,
an den sie nicht GLAVBEN, wie sollen sie aber GLAV
BEN, von dem sie nichts GEHORT haben / wie sollen sie

A ij aber

aber HOREN ohn PREDIGER, wie sollen sie aber PREDIGEN, wann sie nit gesandt werden/ wie dann geschrey/ bēstehet/ wie lieblich seind die füsse derē/ so den frid VERKUNDIGEN, die das gute verkündigen. Aber sie seind nit alle dem Euangelio gehorsam. Dan Esaias spricht/ Herr/ wer glaubet vnserm GEHOR? So komme der glaube auß dem GEHOR, das GEHOR aber durch das VVORT Gottes/ Ich sage aber/ haben sie es nit GEHORT, zwar es ist ye in alle lād außgangē jr SCHALL, vnd in alle welt jhr VVORT.

Schwenckfeldt zeücht disen Spruch mit gewalt vnd bey den haaren auff die inwendig offenbarung/ vnd/ wie er darvon schnattert/ anhauchung des H. Geysts/ wir aber sagen vnd lehren mit beständigem grund der warheyt/ das Paulus allda von dem außwendigē gehörs der Christlichen prediger vnd Predige der heyligen Schrifft handelt. Das nun Paulus eben an disem ort rede vnd lehre/ das der glaube auß dem gehörs komme/ ist klarer vñ liechter/ dan die liebe Sonne am hellen mittage/ auß dem ganzen text/ der da stracks von dem außwendigen predigen vnd Prediger handelt/ Nun ist's ye war/ dz man das außwendige predigen/ vnd die außwendige stim mit den außwendigen ohren müß hören vnd fassen/ O schande vber schande/ das solche hocheleuchte geyster solches nit können noch wöllen sehen/ mercken vnd verstehen.

Darumb ist's jha aller ding vnleügbar/ vnd kan von niemandt mit warheyt widlegt vnd verleügnert werden/ das der heylige Paulus allda rede von dem außwendigen Predigen vnd prediger/ vnd vom außwendigen gehörs/ dann er spricht also. Wie sollen sie HOREN on Prediger/ &c. Item/ wie lieblich seind die FVSSSE deren/ so den frid

frid VERKVNDIGEN, &c. Item/haben sie es nicht GE-
HORT/zwar es ist ihr SCHALL in alle landt/vnnd ihr
VVORT in die ganze welt außgangen / Jha S. Pau-
lus setzet allda eine ganze reihe causarum & effectuum der
ursachen vnd ihrer würckungen nach einander/ Als nem-
lich/Gottes sendung/der Prediger predigen/das hören/
Glauben/Anrüssen/Selig werden.

Gott ist ein ursache/dz rechtschaffne Prediger vorhan-
den seind/Die Prediger seind ein ursache/das es recht ge-
predigt würt/das predigen verursacht das leibliche hö-
ren/das leibliche hören verursacht den rechten glauben/
der rechte glaube verursacht die anruffung Gottes/
Die anruffung verursacht die ewige Seeligkēye. Gott
der gütige Vatter schicket rechte Prediger/die Prediger
predigen/die hörer glauben/die gläubigen rüssen Gott
an/Die anruffer werden selig. Ist nun der Prediger vn-
seine predige ein leiblich außwendig ding! So muß ge-
wislich auch das hören ein leiblich außwendig ding sein.

S. Paulus ist ja nit ein trunckenboltz oder Schwerm-
er / als Schwencckfeldt / welcher jertz das / jertz jhenes
schwermere/vnd wußte nit was er schwermere. Er were
aber ein außbunde von den Schwermern/wann er nach
Schwencckfeldts jrziger meynung von den inwendigen
geystlichen zühörern redete/ an disem ort / Wie sollen sie
hören/on Prediger: Dann Schwencckfeldt gibt für/vnnd
setzet auch für eine gewisse warheyt / das das inwendige
hören ohn Prediger vnnd on mittel geschehe/ Gott be-
dörffe summa summarum / vnd gebrauche ganz vn gar
kein mittel darzu. Derhalben ist hier auß klar vnd offen-
bar/das der Dmechtige schwermere disen Spruch wider
sein eygē gewissen mütwilliglich verkeret/ fürsetziglich
anderß

anderswahin deütert/vnd fälschlich anfleget.

Auff diese einrede so Schwentckfeld füret/vñ oft widerbolet/das/so der glaube auß dem gehöze kömet/ jedman/der es nur hörete/könnē glauben. Antworten wir/dz es kein rechte folge sey. Nam causa instrumentalis non est totalis. Posita causa instrumentali, non statim ponitur effectus. Es folget nicht/es ist ein aye im Walde/darumb werden die beüme vmbgehawen/vnd darnider gefellet werden. Solen die leüte durch die predige Gottes worts bekeret werden/so gehöret auch Gottes seggen darzu. 1. Corinth. iij. Es kömet vñ wechset ja dz liebe Korn auß dem säyen od saar. Doch mit diesem geding/wann Gott darzu seinen seggen gibet/Darumb saget der Psalm recht/wann Gott nit bawen würt das hauß/2c.

Er waschet auch sehr vil darvon/vñ muget sehr hoch auff/das vnserer Prediger ampt nit krefftig/würcklich/vnd fruchtbar sey/wie man solches auß dem gemeynen leben der menschen wol könnē spüren/vnd öffentlich möge sehen/damit zubeweysen/das sie keine rechtschaffne Diener Christi seyen/vnd kein rechte/reyne/vnnd ware lehr Christi süren. Wann aber solch argument gelten solt/so weren auch Christus/Noah/Jeremias vnd Elias keine Gottseelige lehrer oder Prediger gewesen. Dan wie sich auß der Historien last ansehen/so haben sie wenig leüte warhafftiglich bekeret.

Es müssen zwar seine zühörer eytel lebendige heyligen sein/da ist kein zweyfel an.

Vor etlichen wenig Monaten hat der Schnaphan/so den Stentckfeld beherberget/durch einen brieff den Prediger vñ Burgern zu Augspurg hefftig gedrawet/er wölle die auffß greüwlichste verfolgen vñ angreifen/
wie

wie er nur könne oder möge / so wider seinen Propheten
predigen oder redē wurden. Darauß mag nun ein jegli-
cher Christ abnehmen / ob solcher mörderischer vnd ver-
folgerischer geyst / auß der rechtschaffen / oder falschen /
verfürischen / vnd Gotteslesterischen lehr herkomme oder
entspringe.

Wir aber wissen / das in vnseren Kirchen (Gott lob)
zimlich vil fromer warer Christen sein / beyde vnder den
jungen vnd alten / denen der heylige Geyst in ire hertzen
schreyet / Abba Pater, lieber Vatter / vnd zeügnuß gibt / dz
sie gewyß Gottes Kinder sein / welcher Christlich leben vñ
ehlicher wandel ihre Gottseligkēyt gnügsam anzeyget.
Ja es seind vil junge Kinder / beyde Knäblin vnd Mägd-
lin in iren letzten zügen also freüdig / also vnerschrocken /
vnd vnuerzagt / das sie so bettē / Gott loben vñ danken /
dz man offentlich sehē vñ schliessen kan / dz d. h. Geyst in
iren hertzen wonet / wie dan eben allhie zu Magdeburgē
vor fünff jarē zur zeyt der Pestilenz / sich hat zügetragenē /
vnd warhafftiglich geschehen. Welchs warlich ein ges-
wiß zeügnuß ist / das sie keinen falschen schwermerischen
oder Schwencfeldischen Catechismum gelernet haben.

Das aber können wir vil besser dem Schwermer für-
werffen / vnd in seinen rachen hinein stossen / das / so Gott
on mittel des worts die leüte gleübig vnd seelig machet /
vnd der glaube kömet nicht auß der gepredigten heyligē
Schriffte / od lehr von Christo / So werden die leüte eben
so wol mitten in Türckey vnd Heydenthumb / da man
von der predige des worts Gottes vnd von den Sacra-
menten nichts weyß / seelig werden / als in der Christen-
heyt / da man lauter vnd reyn Gottes wort fleissig predi-
get vnd lehret. Iha es folget diß herausser / das die heyligē
ge

ge Schrifft vnd alle Prediger ganz vn̄ gar seind vntüch-
rig/vnnd̄rig vnd vnnütze. Dann das er sagt/das die heylige
Schrift vnd predige bey den außwendigē mensche/
od den Sinen/wie ers außlegt/den bekeren vnd gleübigen
vil nutz schaffe/vnd würcke/ist lanter nichts. Dañ
so der inwendige mensch/das ist/das hertz/wie ers verste-
het / der massen vollkōmlich allein durch die inner-
liche offenbarung on alle mittel würt zubereytet vnd be-
keret/das ihm eine ganze heylige Schrifft ins hertze ge-
schryben würt / jha das er auch das Gesatz Gottes voll-
kōmlich erfüllet / vnd leichtlich kan erfüllen/so muß vnd
würt jm als dañ der eüsserliche mensch auch wol folgen.

Damit man aber noch klärer/deütlicher/vnd gewisser
verneme vnnd verstehe/das Schwencfeldt warhafftig/
klich vnd mit der that die heylige Schrifft/sie werde gele-
sen / gesungen / oder gepredigt / die Sacramenten/vnnd
das ganze ampt oder dienst der Kirchen verwerffe / will
ich etliche mehr beweyfung anzeygen/vnd setzen.

Erstlich sagt er sehr oft in seinen schriffte/als im büch
von der heyligen Schrifft/fol. *xx. lxxv. lxxvii.* Item/in
seinem bekentnuß / das weder die Schrifft / die Sacra-
ment/noch jergendt eine eynige Creatur könne reichen/
oder kommen biß ins hertz/Sondern es bleybe nur auß-
wendig bey den Sinnen/rc. Nun ist auß der D. Schrifft
sehr wol bekant / auß dem gemeynen vrtheyl vnnd reden/
vnd zwar auch auß der Philosophia wißlich / vnd vnwi-
dersprechlich war / das das hertze des ganzen menschen
regiment inne habe/vnd nicht die Hände / Füße / Augen /
Ohren / Nasen / rc. Vnd so man von einem etwas will er-
langen/so muß man sein hertz bewegen oder rüren / es sey
mit gütē oder böse/mit Worten oder thaten / So nun die
heylige

heylige Schrifft nach Schwencfeldes schwermerey / nit
biß ins hertz reyhet / vnd ist ein vntüchtig vnd vngeschi-
cket mittel darzü / so muß notwendig folgen / das sie gantz
lich nierendts zu taug noch nutzlich ist.

Dann das er spricht / sie bleybe in den sinnen / ist eben so
uil / als nichts. Es bleybet wol auch in den sinnen / wann
ich jergende eine Krähe höre krähen / vnd einen Hundt
höre bellen. Item / wann ich sonst jergende ein faulē Klotz /
stein oder dergleichen sehe / mein hertz aber / jha auch der
ganze Mensch keret sich nit daran / vnd fraget souil dar
nach / als wann nichts da were.

Zum anderen ist das in keinen wege leydlich / das der
Schwencfeldt die heylige Schrifft so jämmerlich mey-
stert / jr einen vnflätigen schandlappen anhencket / vnd
mit so vilē lesterungē vñ schändelichen schmähungē auß
holhipelt / vñ außschreyet / als die aller ergeste vñ verzwey-
felste hüre (Gott verzeyhe mirs / das ich sie so nenne) so
auff erden ist / Dann er spricht / vnd lehret also / sie sey
ein todter büchstab / die auch andere tödter / sie mache nie-
mandts weyse zur seeligkēyt / Sie bestehe endtlich nit /
sie vergewisse das hertze nicht / sie lasse sich hin vnd her dā-
nen / deüten vnd lencken / als ein vngewiß ding / Item /
man solle auff die Schrifft nit trawen / noch jergende ei-
ne zünersicht haben / vnd auff sie auch nicht bawen / Der
Glaube komme nit auß der Schrifft / wachse auch nicht
dardurch / gründe sich nit darauff / vnd richte sich auch
endtlich nicht nach der h. Schrifft / sondern die Schrifft
müsse sich kurzumb richten vnd lencken nach dem Glau-
ben. Das seind vast die schöne liebliche Rosen / des
Schwencfeldes irrthumb / vnd seine wörter selbst. Wie
kōndte man aber greüwlicher / schändlicher / schwer-
B meris

merischers/vnd Teüfelischers erdencken / damit man die heylige Schrifft außholpelt/vernichtigete/vnd verhönlächelte / dann eben dise vnerhörte vnd grausame Schwencckfeldische schwermercy?

Zum letzten sagt der Schwermer / vnd vnderstehet sichs auch mit vilen färbilin vnd scheyn der warheyt zu beweysen/das Gott ohn alle mittel der Sacramenten/vñ lesen oder predigen d̄ heyligen Schrifft/inwendig durch sich selbst das hertz des Sünders dermassen vollkömlich zubereyttet/bekeret vnd verändert/vnd also die heylige Schrifft einschreybet / das im das Geseze nit allein möglich sey zu erfüllen/sondern auch sehr leicht / So dem also / was bedarff man dann der Bibel / predige / Sacrament/rc.

Weyter/da diser Verführer also lehret/das die heylige Schrifft dennoch was gütes würcke bey den sinnen vñ außwendigen menschen/ ist diß die ware gegründte antwort / **Ey** höre mein lieber Prophet / Das hertz ist der Herz im menschen/Die sinnen aber vnd andere außwendige glider seind nichts anders/dann dienstbare Knechte. Darumb/so das hertz/welchs ist der Herz des ganzen leibes/also gar vollkömlich zu Gott ohn die h. Schrifft oder eüsserliche Sacrament bekeret / vnd verwandelt würt/so ist das mehr dann genug. Das hertz würt als dann wol gebietten den füßen/Händen/Augen/Ohren/vnd Nasen/das sie sich recht halten / vnd sie allenthalbē wol regieren.

Auß disem ist nun klar vnd öffentlich zusehen / vnd zumerckē / das die h. Schrifft nach des Schwencckfeldts lehre ganz vntüglich/vnnötig/vnnütz/vnd ein schädlich ding sey.

Sihe/

Sihe damit gehet der leydige Teufel vmb / dahin ges
denckt ers durch den Schwermer zubringen / das man
fürthin weder nach der predige / noch den heyligen Hoch
würdigen Sacramenten oder Schrift mehr soll frage /
Sondern das man die Kirche in eine Heydnische / Tür
ckische vnd Tartarische Barbarey bringe / vertere /
vnd führe. Gott wehre vnd steuere ihm
samt seine anhang / den Schwer
mern vnd Kotten
geystern.

Auß den Schmalkaldischen Hauptarti
ckeln wider den Schwentfeld / in welchen die aller
geleertiste Prediger auß ganzẽ Teütschlãdt sich
haben vnder schryben.

UND in disen stücken / so das mündelich / eüsserlich
wort betreffen / ist vest darauß zübleyben / dz Gott
niemandt seinen Geyst oder gnade gibt / on / durch /
oder mit dem vorgehenden eüsserlichen wort / Damit wir
vns bewaren für den Enthusiasten / das ist / Geystern / so
sich rhümen / on vnd vor dem wort / den Geyst zühaben /
vnd darnach die Schrift / oder mündelich wort richten /
deüten vnd dānen ihres gefallēs / wie der Wünger thet /
vnd noch vil thūn heütigs tags / die zwischen dem Geyst
vnd Büchstaben scharpffe Richter sein wollen / vnd wis
sen nit / was sie sagen oder setzen. Dann das Papstumb
auch eytel Enthusiasmus ist / darin der Papst rhümet /
Alle Rechte seyen im Schreyen seines hertzen / vnd was er
mit seiner Kirchen vrtheylet vnd heyst / das soll Geyst
B ij vnd

vnd Recht sein/wan es gleich vber vñ wider die Schrifft
oder mündlich wort ist.

Das ist alles der alte Teüfel vñnd alte Schlange/ der
Adam vñnd Hena / auch zu Enthustasten machte/ vom
eüsserlichen wort Gottes/auff geysterey vnd eygen dun-
ckel füret/ Vnd thers doch auch durch andere eüsserliche
wort. Gleich wie auch vnserer Enthustasten/ das eüsserli-
che wort verdammen / vñnd doch sie selbs nit schweygen/
sondern die Welt voll plaudern vnd schreyben/ Gerade/
als köndte der Geyst durch die schrifft oder mündlich
wort der Aposteln nicht kommen / Aber durch ire schrifft
vnd wort müste er kommen. Warumb lassen sie auch ihre
predigt vnd schrifft nit anstehen / biß der Geyst selber in
die Leüte/on/vñ vor irer schrifft köpt/wie sie rhümen/ dz
er in sie kommen sey on predigt der Schrifft. Darvon hie
weyter nit zeyt ist zu disputiern/Wir habens sonst gnüg-
sam getriben.

Dann auch die/so vor der Tauffe glauben/oder in der
Tauffe gleübig werden/habens durchs eüsserliche vorge-
hende wort/als die alten / so zur vernunfft kömen seind/
müssen züvor gehört haben/das/wer da glaubet vnd ge-
taufft würt/der ist selig/ob sie gleich erst vngleübig nach-
zehen jaren/den Geyst vnd Tauffe kriegen.

Vnd Cornelius Act. x. hatte lang züvor gehört bey
den Juden vom künfftigen Messia / dardurch er gerecht
für Gott/vnd sein Gebet vñnd Almüsen angenehm wa-
ren in solchem glauben (wie Lucas in gerecht vñ Gottes
fürchtig nennet) vñ nit on solch vorgehend wort oder ge-
hör/köndte glauben noch gerecht sein. Aber S. Petrus
müste ihm offenbaren / das der Messias (an welchen zu-
künfftigen er biß daher geglaubet hatte) nün kömen we-
re/

re/vñ sein glaube vom zukünfftigen Messia/ in nicht bey
den verstockten vngleübigen Juden/ gefangē hielte/son/
dern wuste/das er nun müßt seelig werden/durch den ge/
genwertigen Messiam/ vñnd den selben nit mit den Ju/
den verleügnen noch verfolgen/zc.

Summa/der Enthusiasmus steckt in Adam vñnd sei/
nen Kindern von anfang biß zum ende d welt/ von dem
alten Trachen in sie gestiffet vñnd gegiffet / vñnd ist aller
Ketzerey/auch des Papstums vñ Mahometts vrsprüng/
krafft vñnd macht. Darumb sollen vñnd müssen wir dar/
auff beharren/das Gott nit will mit vns menschen han/
deln/dann durch sein eüsserlich wort vñnd Sacrament.
Alles aber was on solch wort vñnd Sacramēt vom Geyst
gerhümet würt/das ist der Teüfel.

Dann Gott wolt auch Mose erstlich durch den feürig/
en Busch vñnd mündlich wort erscheinen. Vñ kein Pro/
phet/weder Elias/nach Eliseus/ausser/oder on die zehen
Gebott/den Geyst krieget habe. Vñd Johannes der Teüf/
fer nit on Gabriels vorgehend wort empfange / noch on
Maria stin in seiner Mütter leibe sprang.

Vñd S. Petrus spricht / die Propheten habē nit auß
menschlichem willen/sondern auß dem H. Geyst geweyß/
saget/doch als die heyligen menschen Gottes. Aber ohn
eüsserlich wort waren sie nit heylig/vil weniger hette sie/
als noch vnheylig/der H. Geyst zu reden getryben / Dañ
sie waren heylig/spricht er/da d H. Geyst durch sie redet.

Mit disen Worten haben die Euangelische Prediger
im Schmalkaldischen tag ire meynung von d Schwenc/
feldischen schwermerey klärlich vñnd deutlich gnüg ange/
zeygt / Ist aber Schwencfeldt so ein Hocheleüchter
Prophet/warumb ist er nit beym leben D. Mart. heyli/
B iij ger

ger gedächtnuß herfür getreten/ sich gegen ihm verant-
wortet/ vñ dargegen seine irrthumb (so er gewißt) offenc-
lich angezeygt/ sonder Kompt jetzt aller erst her gedrolle/
weyl er todt ist/ schreyet/ prediget/ vñd schreybet vast in
allen blättern/ von seinen mancherleyen vñd grossen ir-
thumben/ Jha sage ich noch ein mal/ warumb hat der
Schwenckfeld/ da D. Martinus noch lebete/ seine greüw-
liche irrthumb/ die er im jeziger zeyt fälschlich zümisset/
auff ihn dichtet/ vñd auß lauter mürtwillen erfindet/ nie
gestraffet/ mit Gottes wort widerleget/ vñ die Christen
darfür gewarner. Jha er hat ihnen vil mehr in etlichen
seinen schrifftten außs höchste gelobet.

Aber was darffs vil fragens? Es ist sehr leicht abzu-
nehmen/ was doch die ursache sey gewesen seines still-
schweygens/ nemlich dise/ das Christus spricht/ das die
lügen das liecht fleühet vñd scheüwet. Dann der hochfa-
rende Geyst hat wol gewißt/ das / so er des Luthers
schrifte jergends wa wurde angreifen/ vñd fälschlich
auslegen/ er widerumb ihn dermassen entpfahen/ vñd
ihm also anworten wurde/ das Scenckfeldt mit sünden
vñd schanden für jederman bestehen/ vñd seine torheyte
jederman bekande dardurch wurde.

Darumb ist er bey dem leben D. Martinus so still gewe-
sen/ als ein Weüßlin/ vñd hat ihnen oder sein lehr in kei-
nem büche nicht (so vil mir bewißt) mit namen angeta-
stet. Nun aber nach seinem todt/ weyl der schwermer si-
het/ das die Wächter vñd grosse Hunde/ so die Wölffe
von der herde des Herre / lte hinweg treyben/ blindt vñ
stum worden seind/ gibt er sich erst mit seiner schwerme-
rey an den tag/ vñd laßt sich auch duncken/ das jetzt die
rechte zeyt sey zuliegen vñd lestern/ da niemandt vñlleicht
würt

würt sein/der sich gegen ihm dörfte aufflehen/ vnd mit
schrifften ihm seine lügen in den rachen stossen.

Es ist freylich solcher gedanck vnd heymlicher vorsatz
nit vmb sonst vergeblich. Dann wir sehen wol/ das sich
jetzt alle Teüfel vast auß der Hellen erregen/ vnd das ein
jeglicher D. Martini lehr will meystern/ vnd an im Ric
ter werden. Solches würt hinfürt ye länger ye mehr ge
schehen.

Derhalben lieben Christen/ laßt vns fleissig betten/
vnd Gott anruffen / auff das wir in disem bösen
anblick/ vnd zeyt der gewalt der finster/
nuß in der warheyt beste/
hen mögen.

AMEN.

Faint, illegible text, likely bleed-through from the reverse side of the page.



Faint, illegible text, likely bleed-through from the reverse side of the page. The text is arranged in several lines across the top half of the page.




AB: 154037

ULB Halle 3
004 071 573



139.







2.
Von dem fürnehm̄sten
stücke / punct / oder artickel der
Schwenckfeldischen
schwerme /
rey.

Durch Matthiam Flacium
Illyricum.

1. Corinth. 1.

Dann dieweyl die welt durch ire weyßheyt Gott
in seiner weyßheyt nicht erkandte / gefiel es Gott wol / durch
THORECHTE PREDIGTE seelig zumachen / die / so da
ran glauben. Das muß ye fürwar ein selzamer Gott sein / der
durch solche nârrische vnd vntüchrige mittel der predige / die welt
will seelig machen. Ey er würt dardurch nichts können außrichten.
Man muß fürzumb den Schwencfeld hinauff zu ihm in den
Himmel schicken / das er Gott meystere vnd lehre ihn
einen besseren weg oder weyse / sonst
würt gantz vnd gar nichts
darauß wer
den.

M. D. LIIII.